

Dehortatur igitur Paulus Colossenses à figmentis Platoniorum, Epicureorum, Stoicorum, & præcipuè Sophistarum, qui tum temporis maximè in Græciâ vigeabant, & in utramque partem de quâlibet re copiosè differebant, & opinionibus suis, argutè ac facundè propositis, & idcirco veram sapientiam præ se ferentibus, conabantur à salutarî Christi doctrinâ Colossenses seducere; in quem sensum & finem etiam vers. 4. habet; *Hoc dico, nequis vobis imponat probabilitate sermonis; Quò etiam spectat hoc Theodoretî in hunc locum. Quam superius dixit probabilem, & ad persuadendum aptam orationem, hic appellavit Philosophiam: Non autem à verâ Philosophiâ, utpote quæ nos non spoliât veritate cœlesti; sed potiùs ad eam acquirendam ducit, & defendendam armat. Desinant igitur in posterum boni illi viri, ac ipsos cæcò impetu sequentes Idiotæ locum hunc in vituperium Philosophiæ, & erroneæ suæ opinionis defensionem adducere: cùm non tantùm ratio, à nostris stet partibus; sed etiam magnus gravissimorum omnis generis Theologorum numerus, quales sunt præter jam citatos Clemens Alexandrin. lib. 1. & 5. Stromat, Zanchius & Beza in hunc locum; Melchior Camus Locor. Theol. lib. 9. cap. 9. Alsted. Præcognit. Theolog. lib. 2. cap. 10. Casman. Philosoph. Christian. part 2. Quibus omnibus adjungimus Augustinum, ejusque verbis lib. 1. de Ordin. cap. 11. præsens caput concludimus. *Divinæ Scripturæ non omnino Philosophos, sed Philosophos hujus mundi evitandos esse præcipiunt. Item, Nam quisquis omnem Philosophiam fugiendam putat, nihil nos vult aliud, quàm non amare Sapientiam.**

## CAP. VIII.

1. *Nulla veræ Philosophiæ dogmata Theologicis esse contraria.*
2. *Ex nihilo nihil fieri, & Idem non posse reproduci numericè, non esse verâ Philosophicè, & Theologicè falsa.*

1. **A**bsolvimus, quæ ex Sacris sententiæ nostræ opponi possent, præcipua; neque enim omnia persequi necesse arbitramur, cùm argumentum id à plerisque Authoribus, capite superiori citatis, plenissimè pertractatum fuerit. Progredimur itaque ad ea, quæ extra Dei verbum, nobis objici queunt. Hæc, cùm pleraque parvi ad modum momenti, & cuilibet per allatam præcedenti capite distinctionem solutu facilia sint, silentiò præteriremus omnia, nisi unum occurreret, quod aliquam præ se ferte difficultatem videatur. Est autem hoc, quòd Philosophia multa statuat dogmata, quæ cum Theologiâ & S. Scripturâ adversis pug-  
H
gnare